

[*en marge*] Ecclesia parochialis sanctissimae Trinitatis de Aregno

Die 23 iunii.

Praefatus dominus Ferrarius visitator qui supra (etc.).

Venit ad ecclesiam parochialem Aregni quae est sub invocatione sanctissimae Trinitatis [274r] et habet titulum plebaniae.

Facta ibi fuit absolutio mortuorum et post visitatum et adoratum sanctissimum Eucharistiae sacramentum illud in pixide ex aurichalco inaurata reposuit intra parvulum tabernaculum ex ligno; ante cuius ostiolum mandavit apponi imaginem sacramenti vel Christi Iesu et provideri de clave inaurata. Superius in altare est aliud tabernaculum maius ex ligno inaurato, quod est decens, et altare est ad formam. Adest alia pixis habens cuppam argenteam pro deferendo sanctissimo viatico ad infirmos.

Visitavit inde fontem baptismalem, cuius conca est lapidea, et intra illius ciborium conservantur vasa oleorum sanctorum chrismatis et cathecumenorum et etiam vas olei infirmorum, quod toleravit. Vasa sunt ex stamno, et mandavit provideri de bursa violacei coloris cum suis cordulis sericeis pro deferendo oleo infirmorum et provideri de conopaeo telae coloris cerulei [274v] pro ciborio dicti fontis.

Visitavit deinde altare sub invocatione sanctissimae Virginis de Rosario de iurepatronatus haeredum quondam Ioannis Simonis, a quibus manutenetur, sed sine onere missarum et solum in eo celebratur ex devotione fidelium. Habet tantum unam planetam coloris cerulei, quam permisit adhiberi pro celebratione missae, mandans provideri de cruce, et eius interdictum removit.

Item visitavit altare sub invocatione sancti Rocchi confessoris de iurepatronatus haeredum quondam Benedicti, a quibus manutenetur, et in eo non celebrantur missae ex onere, sed solum ex devotione fidelium.

In sacristia vidit ostensorium ex aere inaurato, quod etiam potest inservire pro pixide, et est formae decentis.

Suppellectilia sacristiae habentur ad sufficientiam.

Mandavit restaurari ostium unius ex sepulturis intra tres menses, sub poena arbitraria (etc.).

[275r] Hec ecclesia est consecrata et festum eiusdem consecrationis seu dedicationis celebratur in die dominica quae est vicinior diei 20 mensis novembris.

Admodum reverendus dominus plebanus est dominus Thomas Sozzonus de Lavatoggio, sed quia eius residentia est in parochia Sancti Antonini hic residet vicecuratus, qui in praesenti est presbyter Cyprianus de Oretia, et salariatus a domino plebano.

Habentur solummodo libri baptizatorum, mortuorum et matrimoniorum, et circa matrimonia mandavit exprimi consensum praestitum a sponsis per verba de praesenti.

Animae huius parochiae sunt 400 ciciter et quae communicantur 250.

Manutentio spectat ad populum, et implet per procuratores suos.

[*en marge*] Oratorium sancti Michaelis archangeli de villa Turris

Visitavit oratorium sub invocatione sancti Michaelis archangeli in villa Turris, cuius altare est ad formam et habet patenam et calicem cum cuppa [275v] argentea et planetas ad sufficientia. In eo celebratur saepe ex devotione fidelium immo sunt in eo duo legata perpetua, singula quorum sunt librarum viginti annuatim pro missis celebrandis in dicto oratorio; et unum ex dictis legatis solvitur ab haeredibus quondam Annae Mariae de dicto loco et alterum persolvitur ab haeredibus quondam Nuntiae, pro cuius legato celebrat presbyter Franciscus Antonius et alteri legato satisfit per sacerdotes ad libitum dictorum haeredum.

[*en marge*] Oratorium sanctae Crucis

Visitavit in loco Aregni oratorium sub invocatione sanctae Crucis, cuius altare maius est ad formam.

In hoc oratorio est erecta societas confratrum sub eodem nomine vestientium cappas albas. Habet capitula approbata ab ordinario. Nullos habet redditus certos, sed solum oblationes et eleemosynas confratrum, quibus manutenetur altare et oratorium. Confratres hic conveniunt festis diebus [276r] ad recitandum officium beatissimae Virginis et processiones menstruas faciendas.

Deinde visitavit aliud altare sanctissimae virginis Mariae de iurepatronatus haeredum quondam Marci Aurelii, et est dotatum in capitale librarum 400, de quarum redditibus debent celebrari tot missae, quae celebrantur a presbytero Marco Aurelio de dicta familia. Manutentio dicti altaris spectat ad dictos haeredes, et est provisum de calice cum cuppa et patena argenteis et de planetis, una albi et rubei coloris et altera violacei, cum sua alba, amictu et missale.

Visitavit aliud altare sub invocatione beatissimae Virginis Lauretanae, cui est erecta societas mulierum, quae illud manutenent et habent suam patenam et calicem cum cuppa argentea

et duas planetas.

Ante altare ardet lampas, quae est ex aurichalco; et oleum colligunt ex quadam terra olivata dictae societatis mulieres, quae etiam recipiunt [276v] alias oblationes et eleemosynas, de quibus reddunt rationes coram reverendo vicecurato, et reguntur capitulis ab ordinario approbatis.

Confratres quoque habent suum calicem, planetas et albas. Mandavit provideri de planeta viridis coloris.

Confraternitas non habet redditus certos, sed tantum contributiones et eleemosynas confratrum.

[*en marge*] Ecclesia parochialis sancti Quirici de Aregno

Eadem die.

Praefatus dominus Ferrarius visitator qui supra (etc.).

In dicto loco Aregni visitavit aliam ecclesiam sub invocatione sancti Quirici martyris, quae habet titulum parochialis seu rectoriae, nunc vacantis per obitum reverendi rectoris, et interim est oeconomus presbyter Ioseph de Lavatoggio.

Animae huius parochiae sunt 100 circiter et quae communicantur 60, et paruerunt praecepto paschali.

Adest unicum altare ad formam, provisum de patena et calice cum cuppa argentea, planeta violacea et altera albi [277r] et rubei coloris; mandavit provideri de alba diversorum colorum et de nova sede confessionali.

Non conservatur sanctissimum Eucharistiae sacramentum nec habetur tabernaculum nec fons baptismalis neque ulla sacra olea neque libri parochiales, sed omnia dictus rector sumit ex vicina ecclesia sanctissimae Trinitatis, quia populus Aregni est commixtus intra aliam parochiam.

In distantia tamen per dimidium stadii ab Aregno est alia villa nuncupata Prauli et est subiecta parochiali sancti Quirici, et ibi

[*en marge*] Oratorium sancti Ioannis evenagelistae

Est oratorium sub titulo sancti Ioannis evangelistae, provisum de calice et patena et tribus planetis ad sufficientia; et est de iurepatronatus quondam Ioannis de dicta villa, cuius haeredes

habent ius nominandi capellanum, qui in praesenti est reverendus dominus Ioseph de Lavatoggio, qui dixit hoc anno primo suae possessionis habuisse de redditu libras viginti quinque; nam [277v] nihil olei collectum est, et habet onus missarum trium per hebdomadam.

Ecclesia praefata sancti Quirici manutinetur a populo.

Doctrinam christianam doceri ab utroque parcho coniunctim mandavit; unus doceat pueros et alter puellas, et declarent mysteria fidei.

Dictae ecclesiae sancti Quirici factum fuit legatum librarum centum de capitale a quondam Silvestro quondam Philippi, cum onere ut de redditibus tot missae celebrentur, quod mandavit adimpleri sub poena interdicti.